

gwashim, althga dum gashimhou-diksha shim:

68 Dīlth n'za da gūadaḡ shim, althga dum dukdīlamak ga shim.

69 Ada gup wātk ga didā gīaōn dum gup dhātk gish ga Lthgōlthk gish ga giat gish ga nakshimyaōnsh ga na gutgiatsh ga Shimoigiat ga Lakāga.

70 Ada hōush ga tkānīt ga, Dash Lthgōlthk gish ga Shimoigiat ga Lakāgai gwut nūgun? Ada hōuit gish dupniat, Malth da shim nī wālūt.

71 Ada hōuit ga, Gaulth dum gun gik hashagum alth magaunshk? āwil ltha dup lip naknō wātk ga didā lip zumāk dit.

CHAPTER XXIII.

1 Ada wil shagait haldum golthsh ga tkānīt ga, adat dagaudit gish ga hazaklth gish Pilate ga.

2 Ada wil hīaqush gut tkāiīshit ga, ash ga hōuit ga, Wāyumpt wil shalukshgagauda yōta gwai zabi, adat gilaut ga dum klthga'aum dī dash Cēsar, adat maltha lip niadit Christa kingt.

3 Adat gūadaḡt gut Pilate ga, ash ga hōuit ga, Nūguni gwilth kingulth Jews? Ada dilamak gut ga, ada hōuit ga, Da ma yant.

4 Ada wil hōush Pilate gish ga manpriests ga dīlth wilhēlgiat ga, Althga na wālth gīsha yōta gwa.

5 Ada al wil yagai shim gadumākt ga, ash ga hōuit ga, Lthilthāl dida giadit, ā shūwilaigiamgushk ga didā tkānī Judeat, kshawātk ga dida Galilee, ada wagait uinī gwa.

6 Ada lthat naknōit gut Pilate ga, adat gūadaḡsh ga, za ligi giat Galileesh ga yōta ga.

7 Ada lthat wilaish ga wātk gut

gish ga algiak dash Herod ga, ada wilt haizt gish ga āwāsh Herod ga, gū ga al dī lip dadhāt gish ga Jerusalem gish ga da wālt ga.

8 Wai, lthat nīst gut Herod gut Jesus ga, ada shimgul lūamsh ga gaud ga; āwil ltha naksh ga abagushk gut gish ga dumt nīst ga, ash ga wilt naknōsh ga wila wālt ga; ada boīshk gut gish ga dumt nīsh ga dum wil wālt gish ga ligi shinlaidukshk ga.

9 Ada wilt gūadaḡt gish ga hēldit ga algiak ga; ada al althga ligi gau za dilamak gut.

10 Ada makshk gish ga manpriests ga dīlth hūkgadamīshit ga, ash ga shim zūsh gut wil tkāiīshit ga.

11 Ada shim althgat gautk gut gut Herod ga, ada nashgat gut gish niat, adat nountk gish ga hoishgum wishwash gaga, adat hazukshum haizt gish ga āwāsh Pilate ga.

12 Ada shim nīnīsh ga sha ga wātk gish ga nashiēbun dash dup Herod ga dīsh Pilate; ash ga na al wil gwilth n'libit hou'unt ga.

13 Ada wilt shagait hūkhūitk gut gut Pilate ga manpriests ga, dīlth alalgiagushk gut ga, dīlth giat ga.

14 Ada hōuit gish dupniat, Ltha dagoiduksha shim yōta gwaya goi, ā nīwāldit in shalukshgagauda giadit; ada nīsh nūyū, ltha na lagal dida hazazaklthk ga shim, althga na wālth gīsha yōta gwaya a gau ma shim wil tkāiīsha dit:

15 Ain, ada gik ainash Herod: āwilt hazukshum haiz didā gum; ada nī, althga gau za wālt za guu tkulām da za zaqushit.

16 N'dum gun am wunezak dit, ada n'dum ksha'aklthīn dit:

17 (Awil dumt gup ksha'aklthīnsh ga gault gish dupniat ash ga halilūalgiat ga.)

18 Ada yagai shagait nialawādat